

111 年全國語文競賽客家語讀者劇場文本國中組（饒平腔）

編號 6 號

【好朋友阿湯牯】黃鈺雯原作

兩年前正考著國中美術班，一儕人對鄉下到都市肚讀書，恁多同學，無一個係熟事个，心肝肚盡愁慮。佢姆就摻佢講，佢愛主動摻人相借問，講話愛細聲細義、有禮貌、莫計較，自然就會交著好朋友。

這兩年半來，佢交著已多好朋友，大家摻到盡好、盡相惜，其中最知己个還係阿湯牯。淨睺佢个外表，頭大大，人矮頓矮頓，面相戇戇个樣仔，試著佢像一個細憨牯。佢盡好打網路電動，輒輒一爽就爽到毋知晝暗。實際上，佢係一個精善善仔个細佬仔，詩書滿腹，輒常提著全校第一名。佢識問佢，恁會爽，仰還有時間讀書呢？佢講：「心專石穿！佢爽个時節盡量爽，愛流汗，愛分腦筋歇睏一下。但係提起書本，絕對愛專心，周圍發生麼个事，都毋使管。晝圖就專心晝、睺歷史毋會想讀英文、遶山花毋會想著考試！確實盡有效，佢做每一件事情都變到相當有效率。」

佢盡佩服佢「手疾好過家，腳疾好繡花」个生活態度，盡樂天！這七睺出佢盡把扼時間摻機會，總會想：現下个處境，做得做麼个事情。比論講，放學時間較慢，赴毋著車枋，別儕都係怨

這怨該宕時間，佢就恬恬仔提出書來背，毋會怪天怨地！佢會恁樂觀，就係受著佢影響。

雖然佢字墨當飽，上知天文，下知地理，毋過佢毋會沙鼻，總係用「交人交心，淋樹淋根」个誠意對待佢，見擺請教佢數學同自然，佢都會教佢解題个要領，分佢事半功倍，確實係「知得孔竅，打得鬼嘍！」最難得个就係毋會驚佢贏過佢，下把，佢考試拚贏佢个時節，佢就會一頭用「十步留一步，免得徒弟打師傅！」來摻佢講笑，一頭又將佢會个方法總概傳分佢，確實做著「真師傅，教徒弟毋留半步。」佢兩儕就恁樣相互敬重，相互勉勵，故所成績就當好。

佢七盡會挑挑打落佢、刺激佢，逐擺都講佢「慢牛食汶水」，又講佢讀書个方法總係「蚊仔叨牛角」，唉！試著盡得人惱！毋過，「人，愛人打落；火，愛人燒著。」還係盡感謝佢提醒佢、督促佢，做佢人生个鏡仔。

俗話講：「良言莫嫌少，朋友莫嫌多！」佢兩儕知己知彼，更加个了解自家个缺點摻優點，知著自家个弱點，正會發覺將來愛打拚个方向在哪位。加兩隻月，就愛畢業了¹，心肝肚盡毋盼得！佢兜講好會顧好各人个前途，繼續打拚，一定愛完成自家个理想！

¹ 表完成的語尾助詞。饒平腔有 le`、lio`、lio`……等不同讀音，讀者可依文章情境，自由詮釋發揮。以下同此注釋說明。

111 年全國語文競賽客家語讀者劇場文本國中組（饒平腔）

編號 22 號

【騎自行車】林美雲原作

「會跌倒！會跌倒！」話就還言講忒，「碰！」一聲，人撈車就橫著路脣頭，跋毋起來，坐在地泥下。摸等腳膝頭，脛著血緊流出來，開聲大嘍「還疾喔！」「還疾喔！」阿爸、阿姆聽著，遽遽從屋肚走出來，脛係到底發生麼个大事。

當初因為愛讀國中，學校又離屋下較遠，假使講係愛用行个愛一、二十分鐘。所以，無法度定著愛學會騎自行車，上課正毋會赴毋著。

因為就係恁樣，小學畢業該隻避暑，為著愛較遽學會騎自行車，逐日晨早時天旨光雞旨啼，撈阿爸就牽等自行車，到屋面前个路脣練習。阿爸就在後背扶等自行車分係慢慢騎。毋過，毋知係毋係第一擺騎个關係，還抄毋著要領，腳正踏啊上去，身體就歪一片，偏來偏去，還言騎著就跌下來咧！實在還失志。

係毋甘願，一擺過一擺再試脛啊哩！情況還係無改變，練到心情當壞、當毋好，心肝肚想無想愛練了。阿爸脛係恁傷心、恁失望，拍拍係肩頭，安慰係講：「毋怕事難，就驚人懶。係相信你定著做得到，加油喔！」就係聽著阿爸分係个鼓勵，還有想著

阿爸逐日恁早陪係練習个辛苦，一時之間目汁含等、咬等牙根，拚命認真練習，希望做得遽遽完成人生第一件大事。

經過一禮拜零無日無夜个練習，總算皇天不負苦心人，「耶！」正經分係拚上坎學會騎自行車咧！正經係「有心打石石成磚，無心打井井無泉」，在在證明總愛你認真、有耐心、堅持下去，成功一定係你个。

到了開學該日，係打朝食飽朝，就牽等自行車騎去學校。一路上，係緊唱歌，緊欣賞路脣美麗个風景，心情實在當爽快、當暢。有成時，係堵著同學，還做得撈同學小可比賽一下，脛麼人先騎到學校。恁樣个日仔實在還快樂哪！

雖然這下大體駛車較多，毋過，逐擺脛著路頭人騎自行車，就會想起該量時煞猛箭自行車个「好嘍嫵」，也會想起練騎自行車个過程，現下想起來正經係自家後生時節盡歡喜、盡幸福个一段美好回憶。

111 年全國語文競賽客家語讀者劇場文本國中組（饒平腔）

編號 32 號

【過年】李秉璋原作

過年囉！過年囉！細子暢過年，大人嘅在該愁過年。

記得做細子該下，過年前，阿姆就會盡無閒。愛糴¹糯米做甜版、菜頭版、紅版、菜包。連僱乜愛去磬間磬米²。摺歸隻米缸張到淪淪，到時貼一張「滿」个春聯。阿姆一有時間就會繫草結³，摺灶空前積淪草結摺樵杈疊到屋嶼。到愛炊版个時節，正有耐火个好樵好窿⁴。細子乜無法度閒，愛搨拚搨，擎一支長棍仔緝一抓禾桿做一支長長个掃把，摺屋嶼个螞蟻網掃掃下來，抑係摺被、榻榻米搬到禾埕中央炙日頭，摺屋下裡肚做一個大拚搨。

毋過分僱頭伸長長在該等个，係做紅版摺菜包。屋下後背有石磨摺大隻个春白，到時會有真多人扛浸好个糯米來這用磨石挨版。睭大人企在該，腳骨一前一後，錘好架勢，雙手用一支鐵柄摺磨石耳勾到直直，緊挨緊挨，另外一個人像係功夫高手，用大支湯匙摺摻水个糯米捉準時機，閃開鐵柄漕落石磨面上該个漏米

空。這時就會睭著米漿對石磨嘴流下來。另外一兜人摺煮熟个紅豆抑係炒好个地豆在該用大支春槌春豆餡，就像大力士該款，摺春槌擎到高高，大力春下來，歸大陣人在該無閒泊杈，實在巔然鬧熱。

接下來，摺歸袋个米漿用石頭砵燥後，打早四點空就愛跔起來个。先提一坭版脆，等佢煮熟做版嫵，放落版胚裡背，摻一兜大紅⁵，摺版个著一團變軟軟幼幼，又正斷到一隻隻接圓撚凹，來包料做紅版、揸菜包。做好个版放在版葉樹⁶个樹葉抑係月桃葉，用版印⁷摺龜印印在面頂，了後用剪刀摺葉修剪著靚靚靚，就做得放落大鑊炊版咧。在灶頭脣點一支香測時間⁸，等該支香燒過，就有分人睭著會流口涎水个版好食囉！

年三十該日，開甜版⁹、菜頭版砵神明桌。長桌面乜愛放生仁、年柑摺插春花。灶頭前乜愛放一盤甜个好東西拜灶神，希望灶神食甜甜上天頂會講好話。這日當多出外个人著到萋萋，轉來屋下團圓，這時節莊下滿哪位都係人。半夜十一點一過，就聽著紙炮聲，就係過年咧。初一打早歸屋下个人就渡去拜媽祖、拜伯公，去親戚該行春，大家心頭歡喜來過年！

¹ 糴：音 ted；買。買糧食用「糴」，賣糧食用「糶」，如糶米糶穀。

² 磬米：音 lung mi；碾米，用家庭號碾米機自行在家碾米。

³ 繫草結：音 rhiang^ˇ co^ˋ gied^ˋ；將稻草或蔗葉來回折成數折，再用數根稻草將其綁成一小網。昔為農家煮飯菜必用的柴火。

⁴ 窿：音 lung；推柴草進入灶內燃燒。

⁵ 大紅：音 tai^ˋ fung；食用級紅色色素。

⁶ 版葉樹：音 ban^ˋ rhiab shu^ˋ；黃槿樹，因常用做版的襯底，所以又稱版葉樹。

⁷ 版印：音 ban^ˋ rhin^ˋ；用來打印版的模具。

⁸ 測時間：音 zed^ˋ shi gien^ˋ；計算、控制時間。

⁹ 開甜版：音 koi^ˋ tiam ban^ˋ；將蒸籠內的年糕用菜刀將其分切成數塊。

【阿媽个話】江秀鳳原作

還細个時節，佢算係當番綻个細妹人，大人講麼个「細人仔有耳空無嘴」、「用手指指月光會分月光割耳空……」這兜話在佢心肝肚，單淨係大人騙細人仔个把戲。

講著佢媽，實在有罅好性體，毋會唸唸唸唸、毋會生話、乜毋會講人个長短，佢總係摻愛講个話寫到心肝肚。自佢知人我起勢，阿媽單淨曉得个麵粉做雞卵糕、做「胖¹」分佢食，恁樣摻佢畜到大。佢將愛摻佢講个話包到紅豆仔或者係芋仔、地豆裡肚，「紅豆仔」係愛摻佢交代，出去外背萬項事情愛細義，過車路愛睺紅青燈；「芋仔」愛摻佢吩咐，今晡日會落雨，愛記得帶遮仔；「地豆」代表佢這擺考試考毋好，阿媽暗示佢愛加一息時間讀書，吸收有用个知識做底，在有營養个土地項，正會生出一粒一粒圓滿飽米个地豆仁。

佢媽做个「胖」好食又撈腹，排到店項，分人睺到流口涎，行落店肚鼻著香醇醇个味緒，肚屎就會咕嚕咕嚕緊響，買「胖」止枵，做點心乜異合味，「削胖」²一條長長長，做得分歸屋下人

食朝，肉麩「胖」鹹香啊鹹香，外皮酥酥裡肚帶一息韌，食到會尋尾還想愛食加一坵。

還記得八月半進前，阿媽做月光餅做到歸暗晡無睡，天光無睡又還愛煮飯洗衫順續掌店，佢睺阿媽無閒直掣揆揆轉，無時間好管佢，就摻朋友出去奈到毋知好轉屋。天會光个時節，佢躡脚尾毋敢開電火，偷偷仔踏入門，脈脈風睺著阿媽坐到店中央，兩蕊目珠框烏烏，就像係掛一副烏目鏡樣仔，目珠無神無神，親像強強會烏忒个電火珠仔，阿媽睺著佢轉來，跔等問佢去哪位，佢老實承認自家摻朋友去電動間打電動，打到毋知時間，爽到恁夜分阿媽愁慮當失禮。該暗晡，阿媽摻平常共樣無罵佢，佢用雙手擋目珠，睺起來真恁个款，喊佢遽遽去睡，等一下還愛去學校讀書。

該日下課轉來，阿媽做一粒蕃薯包个「胖」提分佢食，佢講：「佢屋下雖然窮苦手腳又少，乜愛像蕃薯共樣恁有志氣，擲到哪位都有法度企起來，認真讀書正有出脫，毋好分人睺毋起，你今晡日愛記得這粒蕃薯「胖」裡肚个意義，你既經大矣，自家愛曉得想，毋好過分佢愁慮。」

自從該擺過後，佢就毋識再食過蕃薯包个「胖」，毋過，佢永久毋敢毋記得阿媽个教訓，阿媽个話總係囿到「胖」裡肚，一句一句分分明明；一字一字清清楚楚，聲聲句句就喊佢愛做一個有用个人。

¹ 胖：音 pang`；西點麵包。

² 削胖：音 siog pang`；吐司麵包。

111 年全國語文競賽客家語讀者劇場文本國中組（饒平腔）

編號 53 號

【萬丈高樓從地起】徐敏莉原作

當多人常勻會去欽羨別人，睺人上臺領獎，面町¹笑弛弛仔，睺人提博士、開中門，光宗耀祖，當風光个樣仔，毋過，又有幾多儕人會去想，萬丈高樓從地起，該兜成就毋係一朝一日得來个，該係一滴仔、一滴仔慢慢仔累積起來个！

舊年个避暑，佢摺屋下人去臺北祭，去到佢臺灣盡高个大樓——一〇一大樓。企在底下，愛頭臥臥仔正睺得著盡嶺頂，當多觀光客都睺到嘖嘖滾，當佩服這偉大个工程。毋過，佢心肚想：「愛起恁高个大樓，每一磚、每一瓦定著都愛當實疊，打地基乜愛撈腹實落，恁樣這棟恁高个大樓正會堅固，毋驚風搓、地動。佢兜人生打拚个過程，也共樣係恁樣形，大家單淨睺王建民、林書豪在美國打球仔恁風神，收入恁高，得著大家个阿謔、受著大家个歡迎！毋過，佢兜從細煞猛打拚个過程，還較係佢兜愛來學習个，反覆个練球仔、擲球仔，日見日、年見年，無停跔，正有今晡日个好光景。所以，毋管係做學問、也係學手藝，還係講財富，都需要花時間、花心力去累積，因為佢絕對毋會從

天頂高跌下來。無讀高中，仰會做得讀大學；無讀大學，愛仰般繼續讀碩士、博士？無一個銀，仰會有一百個銀；無一百個銀，又仰會有萬貫家財呢？

客家老古人言講：「七十正來學吹笛，學了會來鬚也白」。佢係學生仔，人生个路還當長，愛趕後生好好來打拚，基礎打正，下二擺正會有好个發展來為國家社會來服務！萬丈高樓從地起，根深毋驚風來搖，這下在學校讀書，佢兜就萬萬做毋得懶尸，也係講想愛打卯見黃，斯有的一步一腳印，正有法度行到成功个終點。

毋驚路長，斯驚志短，愛知得「萬丈高樓從地起」，從這下開始，勇敢个行出第一步，毋管堵著麼个困難，佢兜都愛堅持到底，毋好放棄，恁樣，做麼个事情都一定會圓滿順序。

¹ 町：音 nen^ˇ；表空間位置廣泛使用。

【蹶山】胡淑莉原作

佢爸、佢姆長透喊佢懶尸嬲，因為見擺奈日，佢都愛睡到日頭炙屎肫，當晝正跔起來食晝！放年假該駁仔，食飽奈、奈飽食，嘎肥了兩、三公斤，愛靚个佢，趕緊尋佢姆參詳，仰結煞！仰結煞！佢姆講：「該就來去蹶山啊！」

第二日打早，佢姆就喊大家跔起，講愛去蹶仙山！仙山雖然有大型停車場，毋過，這下堵著年假，滿哪位仔都係車仔膠蹶山个人，愛尋一隻車位都無恁簡單。聽講仙山个山頂有仙泉水做得醫百病，所以無論遠近，來這求仙水个人盡多！佢兜乜去求仙水，一口仙水淋啊落，「啊！透心涼，有精神了¹！」續等從靈洞宮入口開始蹶，彎彎幹幹个路，歸路仔各種色目个花草，相爭泌背²開，跔等風搖啊搖，頭那領啊領，當像在該跳舞歡迎佢兜；大樹頂个鳥仔嘍嘍啾啾³、山泉水嘍哩啾嘍⁴，親像在該唱歡迎歌仔。歸片个桂竹比比⁵企，像在該比麼儕較高、較澄線个樣仔。

¹ 表完成的語尾助詞。饒平腔有 le`、lio`、lio`……等不同讀音，讀者可依文章情境，自由詮釋發揮。以下同此注釋說明。

² 相爭泌背：音 siong` zang` bi` boi`；爭三搶四。

³ 嘍嘍啾啾：音 zi` zi` zio` zio`；狀聲詞，形容鳥叫聲。

⁴ 嘍哩啾嘍：音 zi` li` zio` lo`；狀聲詞，形容流水聲。

⁵ 比比：音 be be；並排。

蹶有一截仔，日頭緊來緊烈，歸路仔雖然有竹林、油桐樹、相思樹、檫木，綠葉遮天，毋過實在熱到佇毋著，衫一領一領脫，水一口一口灌，腳步越來越重，腳越來越瘦軟，儕儕都蹶到氣紗紗仔⁶，險險會蹶毋停動了！佢姆講：「奈一下仔來！等一下正蹶！」歇個時節，佢睜著有兜爺哀捕等嬰兒仔、牽等細徑仔蹶山，佢想：恁樣拖拖擲擲，愛仰般蹶呢？又睜著盡多阿公、阿嬲怙等拐棍仔在該蹶，睜佢兜蹶到汗流脈落，毋過精神盡好！佢試著盡敗勢，後生人嘎輸老人家，遽遽跋起來繼續行！忽然聽著「啊！啊！」个聲，佢擎頭睜，原來係大鷄婆在天頂挨來挨去，佢想：佢這擺毋知係相著麼个來食了？佢睜起來盡風神、盡沙鼻！

「哇！」毋多知仔來到山頂了，睜啊去，田坵、溪壩、屋全部在佢腳下！佢想著一首唐詩：「白日依山盡，黃河入海流；欲窮千里目，更上一層樓！」原來從高處睜往下，係恁樣个感受！登高遠望，風景盡靚，花草迎風，搖啊搖！自家就像在花園天堂。

蹶山有盡多好處：一來運動做得減肥、增強體力；二來遶山花大開眼界，欣賞大自然个美景；所以，佢鼓勵大家有閒就愛多去蹶山，接近大自然。這下佢乜盡好蹶山了，尤其係膠屋下人共下蹶，感覺盡幸福！除忒睜風景，還做得共下講話，互相分享生活个心得，一舉數得，希望大家都來蹶山。

⁶ 氣紗紗仔：音 hi` miao` miao` er`；上氣不接下氣的樣子。

111 年全國語文競賽客家語讀者劇場文本國中組（饒平腔）

編號 57 號

【 戽水捉魚 】郭亭好原作

阿宏哥一溜斯係莊肚个爽頭王，不管係拈蛇打蜈、戽水捉魚抑係起窯燻番薯、打鳥仔、灌土狗仔，麼个戲齣佢都曉變，佢這兜細孬仔，做下當好跔等佢滿山滿坪滿哪飄、滿哪奈。

有一年堵著做天旱，莊尾該條溪壩水強強會燥忒咧，阿宏哥斯招佢兜共下去溪壩戽水捉魚，大家聽著又有好爽个，暢到奈毋得，遽遽轉去屋下準備，有兜人提錫桶、面盆，有兜人提瓠杓¹、撈筐仔，阿宏哥自家擎一支大砂撩²，歸陣細人攞等傢啦伙磬磬核核³行對溪壩去。

一到溪壩，阿宏哥斯用大砂撩耙出一條水路，撈水早走⁴開始攔水窟，水窟攔好咧，大家斯提等面盆、瓠杓，撈窟肚个水戽往出；阿明毋知係挑挑抑係無堵好，一面盆个水戽啊出去，嘎戽著行對佢面前過个阿傑，害佢歸身潦潦，連目珠都擘毋開，阿傑闊粹粹搭等拳頭嫲想愛過去搵⁵阿明，阿宏哥睺著斯遽遽行兼撈阿傑

揪開，講阿明毋係挑挑个莫闊啦！過喊阿明撈阿傑會失禮；阿明當有誠意頭那緊領緊會失禮，阿傑斯無恁闊咧，應講：「好啦！無要緊啦！這下天時恁熱，恁樣也較涼啦！」斯恁樣，大家又過嘻嘻嘩嘩歡喜戽水咧。

天頂个日頭恁箭日⁶，逐儕做下汗流脈落，等水戽燥該下睺著緊奮緊跳个山鱧、石貼仔、鮑哥、石斑、蝦公這兜，大家做下暢摸摸⁷咧！阿旺較細，還毋識戽水捉魚過，這擺分佢睺著有恁多魚、蝦公好捉，暢到緊喊緊跳，毋堵好嘎去躡著有溜苔个石頭，跌到四腳惹天，連褲襠底都濕忒，原旦佢歡喜到吱吱滾，這下嘎嘍到嘍嘍滾，大家睺著也做下笑到砣砣滾，喊佢愛較細義兜。

大家圍兼來七手八腳開始捉魚、撈蝦公。蝦公大體會困在石頭下，佢兜斯緊搨石頭緊捉；若係還有戽毋躁个細水窟，斯愛用撈仔去撈魚，毋過上游水又會緊凜落來，大家緊捉魚又還愛緊戽水，斯恁樣大家爽到歡喜轟天無想愛轉。

會暗昏咧！阿宏哥喊大家撈東西收掣，過撈今晡日所有捉著个魚並蝦公勻分大家，有好爽又有好提，逐儕做下當暢，緊講韶早還愛過來。恁多年過去咧！到今佢還記得做細人仔時个該條溪壩，撈共下戽水捉魚个細人伴。

¹ 瓠杓：音 pu shog；用老熟的葫蘆瓜對半剖開做成的勺子，可用來舀取水酒等物。

² 砂撩：音 sa^ˇ liau^ˇ；圓鏃。

³ 磬磬核核：音 kin kin kai kai；東西碰撞的聲音。

⁴ 撈水早走：音 lau^ˇ fi^ˇ hon^ˇ zeu^ˇ；將水引走。

⁵ 搵：音 zem^ˇ；握緊拳頭揍人的樣子。

⁶ 箭日：音 zien^ˇ ngid^ˇ；陽光直射的樣子。

⁷ 暢摸摸：音 tiong^ˇ mia^ˇ mia^ˇ；很開心的樣子。

111 年全國語文競賽客家語讀者劇場文本國中組（饒平腔）

編號 68 號

【鳳凰花開】李幸妃原作

落雨過後个空氣，鼻起來帶有淡淡个香味；運動坪脣个圍牆下，遠遠睺過去，像鋪一條紅色个花帕共樣。雲散天清，日頭照在該頭正洗過臉身个鳳凰樹，有青、有紅拗蠻靚。柔柔个風定定仔吹過來，分人感覺著清涼快活。眼前个景象像一幅圖，錫佬定定仔行兼，企在該，一下嘎睺到入魂，好點點頭那肚飄出異多畫面，一幕一幕渡佬轉到過去。

該時正入來學校讀書，單純又天真，哪會知鳳凰花開有麼个意義。想講這種柑紅色个花異靚，等到歸樹極个花開到紅噹噹个時節，就係阿哥、阿姊佢兜愛畢業，愛離開現下个學習階段，該佬就做得升一隻年級，心肝肚有个，單單係歡喜定。還有，鳳凰花當當開个時節，下課了後，該又係佬兜尋寶个好所在。大家約好，樹下滿哪位去拈大細皮个花瓣¹、花芯，提轉去鬥鬥仔，排好一隻隻靚膩膩个蝶仔，再過細義細義膠該夾在課本个內頁，過幾下日，等佢燥忒了後，提出來做自家正有个，該獨一無二个鳳凰花書籤。該逐張書籤，全有自家當時特有个創意做法，係提來膠

好朋友、細妹伴相交換个好禮物！

鳳凰木硬硬个莢果，就像一支大彎刀高懸在樹嶺，等佢由青色轉做烏色，必做兩析跌落來个時節，大家都會相爭去拈跌在泥下个這兜「大刀」，下後學人做戲，你劇佬擋；一半下會膠佢插在褲袋，無就擎在手町，三、五個共下行過來行過去个樣仔，毋會輸該電視裡背个大俠哦，就恁樣，歸陣細人仔伴爽到毋知天合地、暢到奈毋得。有這兜天然个燥花膠像大俠用个彎刀好爽，不知不覺膠這隻充滿離別味緒个熱天毋記得淨淨。

熟事个音樂聲膠佬揪轉來現實个世界。係啊！聽著樹嶺个蟬仔，大嫲聲唱出……知啊、知啊，睺著同學像烏籠肚个鳥，跳上跳落，不時噉噉喳喳、該種想愛煞兜飛出去个心情，全寫在面町，該頭開滄柑紅色个鳳凰木，跔風搖啊搖，緊在該提醒佬……分別个日仔會到咧、會到咧！佬在心肝肚膠鳳凰花講再見，再過企一下仔，佬知：過去个，就過去咧；現時做得把扼个，定著愛搭纏！鳳凰花開咧，敢有人會想起學校个一點一滴、一草一木，還有先生个聲音？佬會！

¹ 花瓣：音 faˋ panˊ。

111 年全國語文競賽客家語讀者劇場文本國中組（饒平腔）

編號 69 號

【該條大崎】黃美貞原作

戴在伙房个人家，出出入入定著愛經過大崎，頭擺在該位有種一大片个香絲樹，所以大崎又安到「香絲坪」。對細人仔來講，出門讀書愛蹶崎係一件異難耐个事，毋過日仔總愛過，久咧斯慣，香絲坪也變成大家生活个一部分，其中，佢最記得个就係膠阿雪溜大崎，堵著無擋仔个事故。

上屋个阿雪大佢三歲，五年生該下，就自家箭自行車去讀書，上大崎時，佢會企起來煞猛牯箭，到箭毋贏正甘願下來用牽个，佢个書包仔放在車面前个籃仔肚，睺起來風神哎哎¹，該量時，細人伴都當欽羨佢。有一擺，佢在大崎堵著阿雪，佢講：「佢載你下崎愛無？」佢想著阿姆个吩咐，心肚捱捱捱捱²，就講：「毋使！毋使！佢自家行轉去就好咧。」阿雪恃夠夠仔³講：「佢日日就溜啊轉，遽又暢快，還過擋線正換新个，愁麼个？」佢用手試撚啊，車仔黏時頓恬⁴，睺起來異妥當，胚想試一擺就

¹ 風神哎哎：音 fung` shin ngai` ngai`；洋洋得意。

² 捱捱捱捱：音 ngai ngai ngai` ngai`；猶豫不決的樣子。

³ 恃夠夠仔：音 shí` gieu` gieu` er`；自信且有把握的樣子。

⁴ 頓恬：音 dun` diam`；停止。

好，阿姆毋會知啦！

跋上車，在崎頂睺啊下去，阿姆哀！腳底撓撓，雞嫲皮緊起，阿雪講：「你會驚係無？」佢毋擔輸贏應佢：「有麼个好驚？」其實佢驚到會死又毋敢講。阿雪吩咐佢扳好來，佢兩隻手揪等阿雪个衫，兩粒目珠眨到纏纏，車仔順順仔溜下去，聽著唧唧滾个擋仔聲，心肝加異定貼，按算加一下仔就到咧。無想著，溜到半崎个時節，擋仔嘎索恬，這時，阿雪放聲喊：「無擋仔咧！這擺就死無命咧！」佢毋知愛仰結煞，斯會跔等阿雪緊喊。

砰聲仔！車仔對對撞著一墩笏竹，佢个目珠擘啊開來，睺著阿雪橫在竹頭下，企毋起來，緊唛緊呻：「還疾喔！還疾喔！」佢自家摸一下溼溼个鼻空，手巴掌全係血，原來係流鼻血咧，該載手腳還做得停動。佢定定仔跋跔起來，顧毋得滿鼻空个血，一路行轉去伙房尋人，好得阿泉叔兩子爺堵好轉夜，奧多拜正頓啊恬，煞煞就兜起廳下个藤椅，三步腳準兩步腳走去膠阿雪扛轉屋下，遽遽打電話請莊頭个魏先生來睺診。阿雪也命靚，淨手腳鑪溜皮定定，毋過可能係嚇著咧，暗晡頭緊發目睡狂⁵，食睡毋得，厥嬲還帶佢去陂塘下个恩主公收驚。

該條溜大崎逞英雄个回憶，久久仔回想起來，心肝窟還會掣一下，雞嫲皮又膨膨起來。

⁵ 發目睡狂：音 bod` mug` fe` kong；失去理性，舉止狂烈、異常，或指做惡夢。

111 年全國語文競賽客家語讀者劇場文本國中組（饒平腔）

編號 79 號

【學泅水】徐姿華原作

佢從溜當驚水，小學一年生該下，先生鼓勵大家學泅水，講泅水係當好個運動，身邊個好同學做下學曉泅水咧，逞強個佢毋願輸人，轉去屋下緊嚟阿媽講愛去學泅水。趕避暑，阿媽摻佢尋著一間暖燒水¹個游泳池，還問著名聲最好個教練來教佢，過買一身靚靚個連身泅水衫分佢，鼓勵佢勇敢學泅水。

第一擺去到游泳池，又驚又好。做好體操，教練帶佢摻另外四個學生練習泅水仔、學換氣；教練摻佢兜一個一個拗落游泳池，佢兜乖乖聽教練指示，摻頭那浸入水竇，佢嚇到拚命扳等游泳池旁脣、腳趺趺毋敢沾著水、抽骸另命、嚟到目汁濺汨，像分人枯毒到當慘樣；脣頭個人做下緊睜佢緊笑，教練緊拐佢，佢還係嚟到失聲、毋肯落水，高不將斯請阿媽摻佢帶轉去。

該暗晡，阿爸好聲好氣鼓勵佢繼續去學泅水；阿媽斯唉啣啣啣嘆：「若係毋去上課斯會白白了忒學費，無好退！」阿哥也分享自家學泅水個經驗，還提出佢最愛惜個極樂仔，講愛做佢學會泅水個獎品。在大家個鼓勵之下，佢答應第二日愛再過去上泅

水課。

第二日晨早，阿媽愛載佢去上泅水課，催了催，佢還係三拉拉四拉拉²、拖拖擲擲毋肯停動。上課時間睜等就會赴毋著咧，阿媽發闕提出雞毛掃³愛修理佢，佢試著當委屈，又驚阿媽打、又驚愛泅水，斯嚟到失聲，歸條巷仔都聽到清清楚楚。鄰舍過來關心，知著佢係驚泅水正嚟到大嬲聲，做下忍等笑鼓勵佢。斯恁樣，該站時間，晨早時巷頭巷尾若係聽著佢又嚟到嬲嬲滾，斯知該日佢又愛去上泅水課咧。

經過三隻禮拜個練習，泅水課個同學一枋一枋學會走咧，同學換了換，佢還係手腳和毋著，手記得划水咧、腳又毋記得蹬水，實在無結煞。有一日，佢自家練習，毋多知，手摻腳合得著咧，泅有五公尺恁遠，心肝肚實在還歡喜啦！佢-續等練習，越來越熟手，手腳越來越省力，臉身也緊來緊輕鬆，第一擺感受著泅水個趣味。

感謝該量時，屋下人個支持摻鼓勵，分佢有機會去面對自家軟弱個所在，這下個佢，毋單淨曉得泅水，也做得迎接人生個各種挑戰。

¹ 暖燒水：音 nun shau^ˇ fi^ˊ；溫水。

² 三拉拉四拉拉：音 sam^ˇ lai^ˇ lai^ˇ si^ˋ lai^ˇ lai^ˇ；一再推拖不肯就範。

³ 雞毛掃：音 gie^ˇ mo^ˇ so^ˋ；雞毛撻子。

【路燈著咧】林伯殷原作

臨暗仔，天還異亮，屋脣个路燈就著咧，係無睺較真兜，頭下碼¹還正經毋知路燈既經著咧，一直愛等到天轉暗，路燈个火正會緊來緊光，正確確實實知自家屋脣个路燈著咧！在暗晡時頭，這盞路燈膠佢屋脣个大路箭到²光光，膠出出入入个人車照到清清楚楚，逐日食飽夜後，鄰舍會企在路燈下打嘴鼓，共下等垃圾車來；熱天時，屋肚較熱，路燈下自然就變成奈涼、散步个場所，等到寒天時，路燈又變成一蕊光明燈，像人膠佢講，睺著佢，燒暖个屋下就到咧！

臨天光，路燈就起勢慢慢行下戲棚，天越光，路燈火就越睺毋著，最尾，連幾時烏忒个也無人知，路燈非常知進退，完全毋會去膠日頭搶光³，在日時頭，路燈就在該恬恬等，等夜來个時節做得好好發揮一下。

等到斷烏咧，路燈準時來上棚⁴！膠負責个所在晟到蓬白蓬

光，到久咧，人嘎分路燈縱壞，毋記得佢逐夜就恁認分、恁煞猛，一直愛到有一夜，發覺本旦該光个地方還暗暗，正會知路燈原來有恁好惜。想起佢个老屋，暗晡時屋脣滿遍暗摸叮咚⁵，係無擎火⁶，根本就行無路，毋使想出半步門，不過，就算有擎火行路，該細粒電珠⁷發出弱弱个光，照得路來，驚頭那頂有螞蟻網，照得頭那頂來，又驚蛇哥隨時會從路脣弄出來⁸，毋管自家仰般細心細意，心肝肚還係會驚驚險險⁹，仰當得¹⁰這下个路燈火，分人恁安心、恁自在！

一支路燈，晟得著光个地方盡有限，毋過，路燈係一支一支連起來，該就做得晟透一隻莊頭、一條街路、一座都市，路燈毋單淨晟透一隻地方，也減少咧日膠夜个爭差¹¹，改變咧人个生活，都市肚个公園，暗晡頭還有人練氣功、練跳舞膠運動，大路也還有人行路膠騎自行車，係無路燈，敢有可能？

暗咧！路燈又著咧！佢知路燈會膠當多暗暗个地方照到光光，分人方便上下、分人做得安心，佢也知有當多人膠路燈共樣，恬恬在該照透佢个社會。

¹ 頭下碼：音 teu ha' ma'；剛開始的時候。

² 箭到：音 zien' do'；被光照到。

³ 搶光：音 ciong' gong'；爭著出風頭。

⁴ 上棚：音 shong' pang；上場了。

⁵ 暗摸叮咚：音 am' mo' ding dung；天色或環境暗得看不見的樣子，形容一片漆黑。

⁶ 擎火：音 kia fo'；拿著手電筒。

⁷ 電珠：音 tien' zhu'；燈泡。

⁸ 弄出來：音 nung' chud' loi；鑽出來。

⁹ 驚驚險險：音 giang' giang' hiam' hiam'；感到驚險可怕的樣子。

¹⁰ 仰當得：音 ngiong' dong' ded'；怎麼比得過。

¹¹ 爭差：音：zang' ca'；差別。